



Kattusseqatigiit Partiiat sinnerlugu Inatsisartuni ilaasortaq
Knud Fleischer (KP)
-MAANI

Innuttaasut Nunap Karsianut akiitsui pillugit § 37 naapertorlugu apeqqummut akissut

Asasara Knud Fleischer.

Innuttaasut nunatta karsianut akiitsui pillugit ulloq 28/02-2011 apeqqutinnut qujanaq.

Ilisimatissinnaavakkit, innuttaasut, ingerlatseqatigiiffiit il. il. pisortanut akiitsui ataatsimut, tassa nunatta karsianut kommuuninullu, ullumikkut 1,1-1,2 mia. kr.-iummata.

Akiitsut nalunaarsorneqarsimapput, taakkulu 2011-mi Aningaasaqarnikkut Ingerlatsineq pillugu Nalunaarummut, qanittukkut Inatsisartuni ilaasortanut agguanneqartussamut ilanngussatut ilanngunneqassapput.

2011-mut Aningaasaqarnikkut Ingerlatsineq pillugu Nalunaarummi nassuiarneqarsimavoq, illuatungaaticut akileraarutinut A-nut akiitsut patajaallisarneqarsimasut, aappaatigulli kommuunit akiitsui aarlerinartorsiornartumut inissikkiartuaartut, ingammik siumortumik meeqqanut akilersuutitut, meeqqanut angerlarsimaffiup avataanut inissinneqarsimasunut angajoqqaat akiliutaanut utertitsisussaataalluni ikiorsiissutitut tunngatillugu.

Naalakkersuisut pingaartitorujussuaat, pitsaanerpaamik pisortat piumasaqaataannik akiliitsiniarnissaq akiitsunillu nutaanik pilersitsinnginnissaq.

Taamaattumik Naalakkersuisut Inatsisartut 2011-mi Upernaakkut Ataatsimiinneranni akiitsiniartarnermut inatsisip allanngortinneqarnissaanik siunnersuuteqassapput, taamaasillutik pisortat sullissineranni (eqqagassanik isumaginninnermi, paaviaanermi, meeqqerivinnut akiliuteqartarnermi, biilit motorillit akitsuusertarneranni il. il.) Betalingsservecemut imaluunniit aqqissuussinermut tassunga assingusumut pisortat piumasaqaateqarsinnaalernissaannik periarfissaqalersillugu. Naalakkersuisut qularinngilaat, taamatut iliornerup akiitsoqalartarnermut annertuumik unikaallatsitsissutaanissaa.

Taassuma saniaticut nalunngilara aamma, Akileraartarneq Atugarissaamerlu pillugit Isu-malioqatigiissitap nalunaarusiamini saqqummiutingajalikkamini tamanna sammiumaaraa, siunissarlu ungasinnerusoq isigalugu innuttaasut, ingerlatseqatigiiffiit il. il. pisortanut akiitsoqalernaveersaarnissaat pillugu aqqissutissanik siunnersuuteqarumaartoq.

Ilumoorluinnarputit, nunatta karsiata kommuunillu innuttaasut, ingerlatseqatigiiffiit il. il. akiitsorpasuisa ilaat atorfissaqarteqigaat.

Inussiarnersumik inuulluaqqusillunga

Palle Christiansen

10. mar 2011
Sagsnr. 2011-047329
Dok. Nr. 581800

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl